

М Д Е Л И Й



1933 ий 1 февраль годсек лектеш.

Виян да икоян толкын



1-ше номеран
Морко школ.

Йоча да самырык-влакын «Движение Первых» российскийсе мер-кугыжаныш толкынышт тўжем дене ўдыр-рвезым шке радамышкыже уша. Марий Эл Республикысе районлаштат да олалаштат первичный отделений-влакым почыт (снимкылаште).

– «Движение Первых» – йоча да самырык-влакым иктеш чумырышо толкын. Тушко куд ияи гыч йоча-шамыч ушнен кертывт, – ойла Марий Элысе пўлкам вуйлатыше О.В.Мелентьева. – Латкандаи ийым темьмеке, изирак ийготан-влакын наставникышт лийыт. Тачысе кечылан республик мучко 138 первичный отделенийым почмо. Ёдыр-рвезе-влаклан будвдвижении.рф сайтыште, «ВКонтакте» сочкылысе «Движение Первых» тўжикаште да Telegram-каналыште увертарыме проектлашке, мероприятийлашке, конкурслашке ушнаш йўн лиеш. Марий Элысе пўлкаштан лишыл жаплан паша планым рашемдыме. Ме кызит икымше ошкылым ыштена. Ик шўльиш дене тыршымына сай лектышыым пуа маньиш ўшанена.

Е.ИВАНОВА.



фото-влакыш школ архивла гыч



Шернур районысо
Шўдымарий школ.

Волжск
оласе
9-ше номеран
школ.

Шочмо йылме «Сменыш» намиен

Фотом еш архив гыч налме.



Саха Республикысе Йүд-вел-Эрвел федеральный университет Российысе калык-влакын шочмо йылме ден литературышт дене федерал олимпиадым икымше гана эртарен. Марий Элысе 8-11-ше класслаште тунемше-шамычат тушко ушненыт да шинчымашыштым эн ондак дистанционно тергенит. Сенгыше-влак

олимпиадын пытартыш йыжынгыштыже танасеныт. Тудо Юл кундемысе кугыжаныш технологический университетыште эртаралтын. Ончыл верыш лекшешамычлан «Смена» всероссийский йоча рүдериш путёвкым пуэныт. Нунын оклаште – Морко район Унчо школ гыч Ольга Степанова ден Виктория Петрова (снимкыште).

– Олимпиадыште сенгаи да Анагыште канаи – мыланна кугу пиал. Тышке тўрлө кундем гыч ўдыр-рвезе-влак погыненыт. Сменына Тунуктышын да наставникын идалыкыштан пөлеклалтын. Урок, вашлий-маш, тренинг-шамыч тиде теме дене кылдалтынит. Марий йылмым да литературым тунуктышо Римма Николаевна Петровалан сенгымашке шуаиш полшымыжлан кугу тау, – ойлат ўдыр-влак.

Х.АЛЕКСАНДРОВА.

Историйым шергалына

1915 ий 22 мартыште Икымше тўнжамбал сар годым руш войска Перемышль австрийский орым сенен налын.



Сылне пагыт

Шошо – эн сылне пагыт. Кече куанен шыргыжеш да пўтынь тўнжам ырыкта. Кечывалым лум шула. Эр-кас изишак кылмыкта. Кайык-влак шокшо эл гыч чонештен толыт. Ме шырчык омартам ыштена.

Вика КРАСНОВА.

Морко, Эгерсола.

Кугу кўкшытыш шунем

Йошкар-Олаште тайский бокс дене Марий Эл Республикын чемпионатше да первенствыже эртаралтынит. Тушто мыят танасенам да сенгышыш лектынам (снимкыште). Ачамат спортын ты видше дене кылым кучен да тидын нерген каласкален. Мыланем онайын чучын. Тагасымашлан тренер Д.Л.Текутьев ямдыла. Тудо мыйым чын кучедалаш, лўддымў лияш тунукта. Кыртмен пашам ышташ тўналам гын, кугу кўкшытышкў шуын кертам.

Венера ЛАРИОНОВА.

4-ше номеран

Медведево школ.



Фотом еш архив гыч налме.

«Ямде лий» 2023 ий 17 март

Российысе увер

Ўдыр-рвезе-шамыч, «Моя Россия» тўнжамбал сўрет конкурсышко ушныза. Темыже – «Российын эртыме корныжо, событий ден герой-влак». Сўретым my-russia.org адрес дене **31 март марте** колтыман.

Кумылан кажне ег «Ава да йоча-влак – калык вургем дене» тўнжамбал фотоконкурсышко ушнен кертеш. Йодмаш ден фотом **1 сентябрь марте** колтыман. Тўрыс увер – ethno-photo.com сайтыште.

7-10-шо класслаште тунемше-влак «Сириус» президентский лицейын профильный класслаштыже шинчымашым налын кертыт. **23 март марте** vk.cc/c1V37G ссылке дене регистрацийым эртыман. «Сириус. Курсы» платформышто икымше йыжын дистанционно лиш.

Марий Элысе увер

15 апрель марте Т.Евсеев лўмеш Национальный тоштерыште «Марий тўр» этнолекторий пашам ышта. Этнолог, тоштер пашаен, кидмастар-влак дене вашлиймаш кажне шуматкечын **14 шагатлан** эртаралтеш.

1-11-ше класслаште тунемше-влаклан «Национальный герой» республикысе конкурс эртаралтеш. Сылнымут пашам возыман, почеламутым сылнын лудман, шымлыме пашам ямдылыман, фотоколлажым ыштыман, видеороликым войзыман, театр постановкым ончыктыман. Тўрыс увер – rv12.ru сайтыште.

4 апрельыште Шернур посёлкышто «Йыван Кырла лудмаш» лиш. Тушко тунуктышо, тўвыра пашаен, студент-влак ушнат. Йодмашым svechnikov-sk@mail.ru адрес дене электрон почтыш **31 март марте** колтыман.

Газет гыч радио марте

Марий Эл Радиом чўктеда гын, Кужэгер районын ўдыржў, самырык вўдышў, Олык Ипай лўмеш Кугыжаныш премийын лауреатше Виктория Мамаеван (снимкыште) йўкшым чўккыдын колыда. Тудо «Ямде лийын» чолга юнкоржо лийын. Сылнымутышко, журналист корнышко икымше ошкылым ышташ йоча газет полшен.

Викан изаже, Виталий, газет дене пенгыде кылым кучен. Тудын ятыр ийлан кугу улмыжлан кўра «Ямде лийым» пырля лудын шуктен огытыл гынат, изажын юнкор слўтышко мийымыж нерген каласкалымыже ўдырын ушешыже курымешлан кодын. Викан возаш кумылжо эре лийын, но кокытеланен.

Икана «Кугарня» газетыште тиде чолга марий ўдырын лўмжым ужныам. Тушко кугу статьям серен ыле. Вигака йодыш шочын: «Ямде лийышке» молан огеш возо?» Викториялан серенам веле, тунамак «Келшымаш» почеламутшым колтен, вара – «Йывансола», «Пырысем» да молат. Икмынар жап гыч шочмо йылме, калык, пўртўс да моло нерген заматкедене куандарен.

– *Иктаж-мом сайын ыштен моштенал гынат, пашалым калык ончык лукташ, конкурсышко колташ ала ўрмалгенам, ала огеш лекманын шоненам. Мыланем*



1933-2023
Ямде лий 90

эре шўжалтыш кўлын. «Кугарняшкат», «Ямде лийышкат» йодмо почеш веле возаш тўналынам, – ойла ўдыр.

Викториян сылнымутшо кажне у пашаж дене вияннын. Лектыш лийын – 2018 ийыште З.Е.Яковлева лўмеш пре-

мийын лауреатше лўмым налын. Чолга улмыжлан кўра «Ямде лийын» икымше лаштыкышкыже логалашат йўн лектын. Тиде татым ўдыр шыргыжалын шарналтыш:

– *Тиде мыланем кугу пиал лийын. Ме «Мурсескем» ансамбль дене Саратов олаш миенна. Мўнгў толмо годым, яндар юж дене шўлалташ шогалмеке, йолвургышкем пудий пызен улмаш. Пўртылмеке, газетлан фотом ышташ кўлын. Школ формым чиен, пўртўс лонгашке лекташ тарванышым. Пудийым ужмеке, лўдем дене, ушым йўмдарен, диванышке камвозым.*

Виктория кызыт Марий кугыжаныш университетыште марий йылмым да литературым, тўналтыш класслам туныктышо лияш ямдылалтеш. Кўшыл шинчымашым налмеке, школышко пашаш пура гын, юнкор кружокым почаш шона. Йоча-влакым «Ямде лий» дене кылым кучаш кумыландынеже.

Х.АЛЕКСАНДРОВА.

Келшен илаш туныкта

У Торъял посўлкысо тўвыра полат у сыным налын. Тўжвал тўсшым марий орнамент дене сылнештарыме. Кўргыштыжў тўрлў стэнд уло. Самырык тукумлан у кинозал келша. Меат «Чебурашка» кином ончаш миенна. Тўн герой, Чебурашка, тыматле койышан, сай персонаж. Поро кумылан коча, Геннадий Петрович, тудым лудаш, возаш, модаш туныкта. Кино порылыкклан, ваш энгертен, полшен илаш кумыланда.

Кира ВЕСЕЛОВА.

У Торъял, Токтарсола.

Сайын палыме

Тудым сайын паледа, Кечын те шергалыда. Газетлан пеш ятыр ий, Лўмжў пале – «Ямде лий».

Юнкор-влак чолган возат, Савыкталтыт – куанат. Конкурслаш тўшкан ушнат, Сенгышыш лекташ тыршат.

Даша ПОКРОВСКАЯ.
Волжский, Памар.

Йоча поэт лўмеш

Конкурс



Поэт В.В.Крыловын шочмыжлан 70 ий теммылан пўлеклалтыше республикысе конкурсым увертарыме. Тушко **1-8-ше класслаште** тунемше-влак ушнен кертыт. **Сылнымут тагасыште** В.Крыловын почеламутшым (прозыжым) марла сылнын лудман. Поэтын почеламутшылан возымо мурым йўнгалтарымым **мурсем тагасыште** аклат. **«Самырык сўретче» тагасышке** В.Крыловын произведенийже почеш келыштарыме сўретым колтыман. Паша А4 (А3) форматан лийшаш. Сўретым Арын школышко, Морко районысо туныктымо пўлкашке, «Ямде лий» газет редакцийышке 21 апрель марте колташ лиеш.

Пайрем **28 апрельыште Арын школышто** эртаралтеш. 10 шагатлан тўналеш. Конкурсыш ушнаш йодмашым **25 апрель марте** arinoshool@mail.ru але morkimetodcentre@mail.ru адрес дене электрон почтыш колтыман.



Шинчымаш тўня

– Мыйын шонымаште, йоча-влак кушто сочыныт, туштак тунемшаш улыт. Ялысе изи школыштат тыгаяк тичмаш шинчымашым пуэна. Спортзал уке гынат, ўдыр-рвезе-влак спортлан шўман кушкыт. Лум вочмеке, ече ўмбаке шогалыт. Шошо толмеке, куржталаш тўналыт. Капкылыштым спортын тўрлө видше дене шуарат. 9-ше классыште тунемше Яна Ямбаршевам, 8-ше классыш коштшо-влак Илья Ивановым, Никита Паниным да Дина Глушковам посна палемдыме шуэш. Нуно спортыштат, тунеммаштат ончылно улыт. Никита физкультур дене районысо олимпиадыште икымше лийын, Дина – ОБЖ предмет дене. Яна марий йылме дене республикысе олимпиадыште кумшо верым налын.

– *Изирак школышто кажне йочалан тўткыш уло?*

– Ме кажне йочан койыш-шоктышыжым палена. Могай пашам шуктен кертмыжым шижына. Ончылно кайыше икшывылан ешартыш заданийым пуэна. Шенгелан кодшым кумыландена. Ме туныктышо веле огыл, психологат лийшаш улына. Йоча-влакым илышлан шуаралтшым кушташ тыршена.

Калыкын вийже – йылмыште

Шернур район Койсола школан тўналтышым 1874 ийыште пыштыме. Тунам егын суртыштыжо тунемыныт. 1915 ийыште школан посна оралтым чоҗеныт. Ятыр лўмлө ег ты пырдыж коклаште шинчымашым налын. Нунын коклаште филологий шанче кандидат-влак С.Я.Черныхым, Е.Н.Мустаевым палемдаш лиеш. Кызыт школышто 62 йоча тунемеш. Нунылан шинчымашым 10 туныктышо пуа. Школ илыш, тунемме паша нерген вуйлатыше, шочмо марий йылме да литератур уроклам вўдышө Наталья Андрияновна ВЕРШИНИНА (снимкыште) палдара:



Авторын фотожо.

Тидым кугыжаныш туныктымо стандарт йодеш.

– *Шочмо марий йылмым тунемме йодыш кызыт эн пўсылан шотлалтеш. Тендан школышто могайрак сўрет?*

– Тачысе кечын тиде эн тургыжландарыше йодыш. Мемнан кундемаштат йочадаш коштшо икшыве-влак рушла кутырат. Ешыштат рушла мутланаш тыршат. Школышто тунемше-влакым марий улмышт дене кугешнаш кумыландена. Арняште кок гана марий йылме, ик гана марий литератур уроклаште шинчымашнам пойдарена.

Школыш тунемаш рушла кутырышо йоча толеш гынат, марий йылмым шочмо йылме семын тунемме нерген иканаште умылтарена.

– *Шочмо йылмын пояныкше – ешыште. Те тиде ой дене келшеда?*

– Тўрысек. Шочмо йылме деке кумыландымаште ача-аван вийышт эн кугу. Шочмо йылме йочан шўм-чонышкыжо аван вўржө дене шын-даралтеш. Ты вўрым нигузе вашталташ огеш лий. Ньюгам изинек «Мама», «Папа» олмеш «Ача», «Ава» манаш туныкташ гын, тудо шочмо йылмын ямжым нигунам огеш мондо.

– *Шочмо марий йылмын ончыкылыкшо Койсола школышто волгыдо лийшаш, шонем.*

– Мемнан йылмына шагал чотан калыкын йылмыжлан шотлалтеш, но тудо виан да поян. Марий йылмым арален кодымаште эн кугу тўткышым ялысе школан ойырымман. Тўрлө йоным кучылтын, йочам шочмо марий йылмым тунемаш кумыландыман.

Тунемшем-влаклан марий шочынат гын, чоныштет шочмо йылме илышаш, марий улмет дене кугешнышаш улат манын умылтарем.

Е.ИВАНОВА мутланен.

Туныктышо ок кане

Урок-влак пытымеке, туныктышын пашаже мучашлалтеш мо? Тидым эскераш тыршышым. Татьяна Геннадьевна Лоскутова книгам почо, тетрадышкыже ала-мом возыш. Вара йоча-влакын пашаштым тергыш. Сумкаж гыч печатлен кондымо тўрлө картычкым лукто. Тугеже туныктышына мўнгыштыжат кыртмен ямдылалтеш, шоналтышым. Ах, паледа ыле гын, могай тудо поро, ныжылге йўкан, ушан, самырык! Татьяна Геннадьевнам кажне урокышто куанен колыштына.

Лена ЕГОШИНА.

У Торъял, Немда.

Синквейн

Туныктышо.

Поро, ушан.

Туныкта, умылтара, вўда.
Келге шинчымашым пуышо.

Ава.

Милена ТИХОНОВА.
Морко, Эгерсола.

Туныкташ тиде

куштылго паша огыл.

В.КОСОРотов.

Юнкор улам

1-ше номеран Морко школ сълне верыште шинча. Тўжвал тўсшө мотор, көргыжө чыла шотыштат йонан: кугу да волгыдо. Мыланем школ книгагудышто утларак келша. Тушто сълнымутан литератур, тунемме программе почеш книга, йоча журнал, газет-влак ситышын улыт. Книгагудо пашаен Эмма Петровна кажне йочам порын вашлиеш. Мыланем книгам лудаш веле огыл, газетымат шергалаш келша. «Ямде лий» газетыште школ илыш дене кылдалтше увер-влакым эн ончыч лудам. Тыге шкежат возкалаш кумылагынам.

Ульяна БОЧКАРЁВА.

Марла возена

Классыште визытын тунемына: кок рвезе да кум ўдыр. Ме ваш келшен, полшен илена. Школыштына ятыр кружок пашам ышта. Мый «Ший онгыр» кружокым ойыренам да тушко уло кумылын коштам. Марла возаш, сўретлаш Роза Геннадьевна Антропова кумыланга.

Никита ХАЛТУРИН.

Акций

Российысе просвещения министерстве **#УчитьВдохновлятьРазвивать** акцияым увертарен. Келшыше темым ойырен, соцкыллаш фотом, видеом але текстым верангыман. **#УчитьВдохновлятьРазвивать2023**, **#ГодПедагогаНаставника**, **#ГПН_2023** хэштеглам шындаман.



Кирилл ПЕТРОВЫН сўретше.

Волжский, Карай.

Шокшо «кучедалмаште» кумшо

Оксам чын кучылт моштымо йодышлан школлаште пытартыш жапыште кугу тўткыш ойыралтеш. Ўдыр-рвезе-влак тидын дене кылдалтше шинчымашым налыт, тўрлө конкурсышто уш-акылыштым тергат. Теве Советский район Ўшнўр школ гыч Мария Ягодарова, Лиана Петрова, Мария Рыбакова, Валентина Волкова (снимкыште) шукерте огыл «Артек» тўнямбал йоча рўдер гыч пўртылыныт. Тушто финанс грамотность да амалкалымаш дене всероссийский чемпионатын финалже эртаралтын. Ўдыр-влак кумшо верыш лектыныт. Ялысе йоча-шамыч тыгай кугу кўкшытыш кузе шуыныт! Тиде йодышлан вашмутым муаш шкешт дене вашлийын мутланенам.



Сенгымаш

Фотом школ архив гыч налме.

– Ме «**STARCUPERS**» командым чумыренна. Тудын дене тиде чемпионатын отборочный турыштыжо онлайн таңасенна. Пўсө уш-акылна ик йыжык гыч весыш куснаш полшен. Тўрлө заданийым сайын шуктен, финалыш лектынна. «Финансовая грамотность» кружокыш коштымына кугу шўжалтышымыштен. Тудым обществознанийым да экономикым тунуктышо Елена Васильевна Кислякова вуйлата, – ойлышт ўдыр-влак.

«Артекыште» «кучедалмаш» шокшо лийын. Тушто финанс, бизнес дене кылдалтше темым ойырен, шке шонымашым пенгыдын, ўшандарен ойлаш кўлын.

Мутлан, коммунальный услугын сай да уда могыржовлак нерген каласкаленыт.

– Кугу олала гыч толшо команде-влак дене таңасаи куштылгыжак лийын огыл. Ме нунын дене лишкырак палыме лийынна. Шукышт Марий Эл нерген икымше гана колыныт. Ме марий калык, йўла нерген каласкаленна, марла куштенна. Тора кундемшыке миен коштымына марий улмына дене утларак кугешнаш таратен, – кугу кумыл дене каласкалышт ўдыр-шамыч.

Чолга тунемше-влак пагалыме лудшо, юнкор-шамычлан ончыко лўддымын ошкылаш, кеч-могай шонымашке шуаш тыланышт.

Х.АЛЕКСАНДРОВА.

Рушарня школ

Сергий Радонежский лўмеш рушарня школ Кокласола ялыште верланен. Тудлан тўналтышым Арын черкын Николай протоиерейже ыштен да вуйлата. Туныктышо-влак А.А.Панина ден А.Л.Кушакова православий тўня дене лишкырак палымым ыштат. Рушарня школышко Коркатово лицейын тунемшыже-влак коштына. Тушто мыланна келша.

Ульяна АЛЕКСЕЕВА.

Морко район.



Ой-каңаш лаштык

Шошым йолчиём ынже нөрө манын, мом ыштыман?

➔ Шыштым левыктыман да тушко кушкыл үйым ешарыман. Лева вартышым йолчиемыш йыгыман.

➔ Йолчиемым мушман, сайын коштыман. Вара вазелиным йыгыман, ургыш турашкат шүралтыман. Фен дене левыктен, изи шелше-влакым «петырыман».

➔ Нубук да замш йолчиеман вүд дене «кучедалше» спрейым кучылтман.



Йол йымалне ий шельшталтме йүкым колыда гын, ида лүд, куржаш ида вашке. Ий үмбаке эркин возын, ордыжкырак пörдын каяш тыршыза.

Шошым ковыштала чийыман

«Шошо кече ондала», «Шошо кече шым тјсан», – маньт калыкыште. Икшыве ынже черлане манын, кузе чиктыман?

Вургемым ковыштала чийыман: футболкым, водолазкым, вичкыж джемперым але жакетым. Шокшогын, кудашаш лиеш. Куртко мардежым колтышаш огыл.

Куржталаш, утыж-дене тарванылаш йоратыше икшыве-влаклан хлопокан вургемым ойырыман. Тудлан аллергий огеш лий. Коваште шүла.

Пиж але перчатке шокшо, но вичкыж лийшаш. Флис, полиэстер, хлопок гыч келшен толыт.



Юалге але йүран игечыште шүштө гыч ургымо шокшо ботинке келша. Левырак годым флис көрган резинке кемым чийыман. Пундашыже куштылго, лывырге лийшаш, яклетшаш огыл.

Вуйчием шокшо лийшаш, но пүжалтарышаш огыл. Юалге игече годым трикотаж, вискозо, полиакрилонитрил калпакым чийыман. Шлем, труба форман вуйчиемым налаш лиеш. Нуно сангам, пылышым, логарым аралат. Упш вуй дек пижын шогышаш.

Шошым вјд үмбалысе ий кажне кечын вичкыжемеш. Туткарыш логалаш огыл манын, икмынар ой-каңашым шотыш налза.



Лүмын келыштарыме верыште веле ий үмбац ошкылаш лиеш.



Ий үмбац ошкылмо годым икте-весе коклаште 5-6 метр лийшаш.

Күэмын акше нимыняр уке, но шкеже йылгыжеш.

Тушто.

Лүдыкшө ийсүс

Оралте воктеч эртен кайыме годым тјткө лийман. Ийсүс камвозын кертеш. «Тудо камвочшо кјй дечат шучкырак – керде гай. Коваштым веле огыл, лумат эмгачен кертеш», – ойлат медицине пашаен-влак. Азаныш логалаш огыл манын, нине ой-каңаш-шамычым шотыш налман.



- ✓ Йолгорно воктене верланыше сурт воктеч эртен кайыме деч ончыч оралте үмбац ончалман.
- ✓ Ийсүс уло гын, кум-ныл метр тора гыч ошкылман.
- ✓ Оралте воктене шогыман огыл.
- ✓ Камвочмо йүкым колмеке, писынак пырдыж дек пызныман.
- ✓ Уремыште наушник дене коштман огыл.



Йоча-влак, ала теат витамин нерген оңайым паледа – мьяланна возен колтыза.

Юзо кас

Ик сылне тымык
шошо касын
Кава гыч шыпак лум йоген.
Мардеж тунам
лыжган пуалын,
Йомак тўняшке ужатен.

Лум пырче-влак
куштеныт вальсым,
Шып ўжын тушко мыйымат.
Ом мондо тиде юзо касым,
Ош мамык семын пёрдмемат.
Ксения БУТЕНИНА.
Морко, Эгерсола.

Поро йомак

Морко посёлкысо тўвыра
полатыште Марий самырык
театрын артистше-влак
«Аленький цветочек» йомакым
ончыктеныт. Калык шуко погынен.
Меат, 1-ше номеран Морко школын
1-ше классыштыже тунемше-влак,
нунын коклаште лийынна.
Мыланна тўн герой Настенька
келшен. Тудо поро кумылан,
пашалан кожмак, чылалан полшаш
ямде. Мемнан шонымаште,
порылык чылажымат сенга.
Оля ВАСИЛЬЕВА.

Изинек шўмангына

Мыланна йочасадыште
модыш телевизорым ыштен
пуэныт. Ме Аня дене коктын
(**снимкыште**), кушкын шумекына,
журналист лийнена.
Мыйын шонымаште, тиде онгай
профессий. Журналист тўрлө
мероприятийыште лиеш,
калык дене вашлийын мутлана.
Ужмо-колмым телевизорым
ончышо ен-влаклан палдара.
Тидлан ме кызытак йочасадыште
шўмангына.

Юлия ПОПОВА.
Медведево, Новый.



Фотом йочасадын архивше гыч налме.



Линар ШАРИФЬЯНОВЫН
сўретше.
Медведево, Руэм.

Палаш онгай

Японийыште йоча пайрем шуко уло.
Ньоган 3,5,7 ийым темымыжым
пайремлымылан кугу тўткышым ойырат.
15 ноябрьыште «7-5-3» («сити-го-сан»)
пайрем палемдалтеш.

↑ 1 → 1 ↑ 2 → 1 ↓ 2 → 1 ↓ 4 ←


Тиде корно дене «ошкылат» гын, могай сўрет лектеш!

«Мо эн шергакан?»

«Ямде лий» газетын 90 ияш
лўмгече пайремыштыже «Воштончыш»
образцовый музыкально-драматический
театрын самырык артистше-влак
тыгай лўман спектакльым ончыктеныт.
Шемеч, Олач, Пырыс, Рывыж, Пире,
Чыве мастарлыкышт дене мыйым
сымыстареныт. Сценыште модаш
кумылем лектын.

Спектакльын тўн шонымашыже:
икте-весе дене келшен илымаш.
Неле-йөсө деч лўдман огул,
пырля чыла сенаш лиеш.

Даша БОЧКАРЕВА.
Морко, Кожлаер.



МАРТ		М.Шкетан лўмеш Марий кугыжаныш драме театр	
18 сб	16:00	СПАСТИ КАМЕР ЮНКЕРА ПУШКИНА История несостоявшегося подвига	М. Хейфец
19 рш	16:00	ШИЙ ПАМПАЛЧЕ Мюзикл	З. Долгова, С. Яндукова
20 пн	14:00	ПОХОЖДЕНИЯ ЧИЧИКОВА или МЕРТВЫЕ ДУШИ Мистический трагифарс	Н. Гоголь
20 шч	18:00	ЯРАТЫМАШ ЙАШЫМ АК АНЖЫ Спектакль-концерт	Любим все возрасты покорны
21 кш	18:00	ТЕРГЫШЕ Комедия	Н. Гоголь
24 пт	16:00	ГАМЛЕТ. МАШИНА. ЦЕМЕНТ Спектакль-кино	У. Шекспир, Ф. Гладков
25 шм	16:00	ТОРЕШВАТЕ Музыкальный комедий	У. Шекспир
26 вс	11:00	ВОЛШЕБНАЯ ЛАМПА АЛАДИНА Музыкальная сказка	А. Чупин
26 вс	16:00	СПАСТИ КАМЕР-ЮНКЕРА ПУШКИНА История несостоявшегося подвига	М. Хейфец
30 из	18:00	ТУЛАР ДЕН ТУЛАЧЕ Музыкальный комедий	Н. Арбан

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ:
Марий Эл Республикысе
культур, печать да
калык-влакын пашашт
шотышто министерстве.
Газетым редакцийыште
погымо да версталыме,
«Марий Эл Республикысе
Правительствын типографийже» ООО-што
ямде оригинал-макет гыч савыктыме.
Типографийын адресше: 424000,
Йошкар-Ола, Комсомольский урем, 112.

Газетым Кыл, информационный технологий да
массовый коммуникаций сферым эскериме
шотышто федеральный службын Юл кундем
федеральный округысо управленийыштыже
регистраватыме.
Номер – ПИ № Ту52-01335,
2021 ий 29 сентябрьыште пуымо.

0+
Печатьыш пуымо жап –
14-00,
фактически – 13-00
Авторын да редакцийын шонымашышт
тўрлө лийын кертыт. Серыш-влак
мөнгеш огулт колталт.
Ак – кутырен келшыме почеш.
Редакцийын да издателын адресше:
424006, Йошкар-Ола, СССР Вооружённый
Вийын 70-ше идалыкыш урем, 20-шо пёрт.
Тел. 8(8362) 45-22-82(факс).



**Түрлө
түсан
шошо**

У КОНКУРС

Ешартыш лайкым кузе погаш?

Уремьште – шошо. Тудын леве юж-шо, тамле пушыжо уре-мьшке лекташ ўжыт. Ваше шулдыран йолташна-влак шокшо эл гыч чонештен толыт. Шырчык омартам ыштен ямдыленда, очыни. Лышташ нерешташ тўналеш. Корньшто вўд шинча. Резинке кемым чиен, тудын гоч куржын эртыме, пушым колтымшо шуэш. Икымше пеледыш пеледалгеш. Мланде лекмеке, пакчасаскам шындаш тўналына. Тыгай сўрет-влакым моторын войзен, фотом https://vk.com/yamde_lii тўшкашке сообщений дене колтыза. Паша-влакым газетеш да группеш верандена. Эн шуко лайкым погышо постын озаже сеньшыш лектеш. Тўткў лийза! Йўкльышў «Ямде лий» – марла йоча газет» тўшкан подписчикше лийшап.

400 лайк:

2023 ийын кокымшо пел-ийжылан «Ямде лий» газет-лан почто гоч подпискым ышташ да квитанцийжым але тудын копияжым редакцийышке колташ.

200 лайк:

электрон подпискым ышташ. 89027382237 телефон номер дене Сбербанкыш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

Ушештарена:

мыняр шукрыак подпискым ыштеда, тунар шу-крыак лайкым погаш йўн лиеш. Тугеже газетлан возалташ родо-тукымдамат ушен кертыда.

Ульяна АБЛИНОВА.
Йошкар-Ола.

Фотом 23 май
марте колтыман.

Сеньшышым чапле
пўлек вуча.



Икгай кок шорыкым кычалза.



Шомак-влакым марий йыл-мыш чын кусарыза.

– Авай, ты й палет, пургыж тылзыште молан 28 кече гына? – йодеш Мичу.
– Молан? – ўрын ончалеш аваже.
– Чылан шо-шым вучат, – воштылале эргыже.

- 1.Город. 2.Дверь. 3.Смотреть.
- 4.Яблоня. 5.Впереди.

Настя ЧЕМЕКОВА.
Советский, Ўрша.



Тест

10 ойыртемем муза.


17 март – Йиван Кырлан шочмо кечыже.

1. Чын лўмжў.
 - А)Иванов Алексей Иванович. Б)Иванов Роман Алексеевич. В)Иванов Кирилл Иванович.
2. Кушан шочын?
 - А)Башкоргостан, Калтаса район Шорўял ялеш.
 - Б)Марий Эл, Медведево район Купсола ялеш. В)Марий Эл, Шернур район Купсола ялеш.
3. «Ме ударле улына» книгам кў дене пырля луктын?
 - А)Олык Ипай. Б)Василий Юксерн. В)Ким Васин.
4. Ёмыржў могай ийыште кўрылтын?
 - А)1949 ий. Б)1939 ий. В)1943 ий.

Злата МАКСИМОВА.

Морко, Эгерсола.

Интернетысе сўрет-влакым кучылтмо.



Шўртў-влакым чиялтыза.